



Մ ՈՒՐԲ ԶԱԿՈՐ

ԱՌԱՋՆՈՐԴԱՆԻՍ ԱՎՅՐ ԵՎ ԿԵՂԵՅԻ



ԽԱՉԿԵՐԱԾԷԱ ԵՏԲ ՉՈՐՐՈՐԴ ԿԻՐԱԿԻ

13 ՀՈԿՏԵՄԲԵՐ 2019

Կիրակնօրեայ Ընթերցումներ	Էջ 1
Ողորմութեան Կանչ Մը (15)	Էջ 2

կոչուած խորհրդականները, որոնք յիմար խորհուրդներ կու տան:

ՊՕՂՈՍ ԱՌԱՔԵԱԼԻ
ԳԱՂԱՏԱՑԻՆԵՐՈՒՆ ԳՐԱՄ
ՆԱՄԱԿԷՆ
(2.1-10)

ԸՆԹԵՐՑՈՒՄ ԵՍԱՅԻ ՄԱՐԳԱՐԷԻ ԳՐՔԷՆ (19.1-11)

Ահա Տէրը թեթեւազնաց ամպի վրայ նստած եգիպտոս պիտի գայ: Անոր դիմաց եգիպտոսի կուռքերը պիտի դողան, եգիպտացիներու սիրտը պիտի հալի: Եգիպտացիները եգիպտացիներուն դէմ պիտի ելլեն, եղբայրը եղբօր դէմ պիտի պատերազմի եւ ընկերը՝ իր ընկերոջ դէմ, քաղաքը քաղաքի դէմ եւ թագաւորներ թագաւորներու դէմ: Եգիպտացիներ իրենց հոգեկան կորովը պիտի կորսնցնեն, որովհետեւ անոնց ծրագիրները պիտի խառնեմ, ուստի անոնք խորհուրդ պիտի ուզեն իրենց աստուածներէն ու կուռքերէն, ոգեհարցներէն ու վհուկներէն: Խնտասիրտ տէրերու ձեռքը պիտի մատնեմ գիրենք, անգութ թագաւորներ պիտի տիրեն անոնց, - կ'ըսէ Երկնային Զօրքերու Տէրը: Եգիպտացիներ գետափեայ ջրակոյտերէն պիտի խմեն իրենց ջուրը, որովհետեւ Նեղոսը պիտի նուազի ու ցամքի: Նեղոսէն բացուած առուները պիտի ճահճանան եւ ամբողջ գետը պիտի ցամքի. բոլոր մարգագետինները, եղէգնուտներն ու պրտուի շամբուտները եւ մամուռով պատուած մարգագետինները պիտի չորնան: Նեղոսի շուրջը աճած ամէն կանաչութիւն, եւ գետեզրին մշակուած բոլոր արտերը խորշակահար պիտի չորնան: Նեղոսի ձկնորսներն ու բոլոր կարթընկէցները պիտի տրտմին ու հեծեն, ցանցորդներն ու ուռկանաւորները սուգ պիտի ընեն: Նրբահիւս կտաւագործները ու բեհեզ գործողները պիտի անճրկին, բոլոր վարպետ արհեստաւորները եւ գարեջրագործները պիտի տրտմին եւ յուսալքուին: Արդարեւ յիմար են Տայանիսի իշխանները, փարաւոնին իմաստուն

Այնուհետեւ, տասնըչորս տարի ետք կրկին Երուսաղէմ գացի Բառնաբասին հետ, Տիտոսն ալ միասին առնելով: Գացի, որովհետեւ Աստուած յայտնեց որ երթամ: Այնտեղ Երուսաղէմի եկեղեցիին զեկոյց տուի հեթանոսներուն մէջ կատարած քարոզութեանս մասին: Առանձնաբար զեկոյց տուի նաեւ եկեղեցւոյ ղեկավարներուն, որպէսզի իմ ուղղութեանս մասին իրենց հաւանութիւնը ունենամ, եւ զուր տեղ աշխատած չըլլամ եւ չաշխատիմ: Անոնք բնաւ չստիպեցին որ թլփատուի ինծի ընկերացող Տիտոսը, որ հեթանոսութենէ կու գար: Թլփատութիւն պահանջողները քանի մը կեղծ քրիստոնեաներ էին, որոնք հաւատացեալներու շարքերուն մէջ սպրդած էին՝ Յիսուս Քրիստոսով մեր ունեցած ազատութիւնը լրտեսելու եւ մեզ Մովսիսական օրէնքներու ծառայութեան մէջ պահելու համար: Բայց վայրկեան մը իսկ տեղի չտուինք անոնց, որպէսզի վստահ ըլլաք թէ ճշմարիտ էր ինչ որ ձեզի քարոզեցինք:

Գալով անոնց որոնք եկեղեցւոյ ղեկավարները կը համարուէին, ինծի համար բնաւ կարեւորութիւն չունի թէ անցեալին ի՛նչ եղած են անոնք: Աստուած մարդոց միջեւ խտրութիւն չի դներ:

Աստուած մարդոց միջեւ խտրութիւն չի դներ:

Արդ, ղեկավար համարուած այդ առաքեալները ոեւէ նոր բան չըսին ինծի այդ մասին: Ընդհակառակը, երբ տեսան թէ Աստուած ինծի վստահած է հեթանոսներու քարոզութիւնը - որովհետեւ Աստուած ինչպէս Պետրոսի առաքելութիւնը յաջողցուց հրեաներուն մէջ,

նոյնպէս ալ իմ առաքելութիւնս յաջողցուց
հեթանոսներուն մէջ -, այն ատեն Յակոբոս,
Կեփաս եւ Յովհաննէս, որոնք եկեղեցւոյ
սիւնները կը համարուէին, ճանչցան Աստուծոյ
ինծի տրուած շնորհքը, իմ եւ Բառնաբասի
ձեռքը թօթուելով հաւանութիւն տուին որ մենք
հեթանոսներուն մէջ աշխատինք, իսկ իրենք՝
հրեաներուն: Միայն խնդրեցին որ Երուսաղէմի
աղքատներուն օգնել չմոռնանք. բան մը, որուն
համար ես սրտանց աշխատեցայ:

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՄԱՐԿՈՍԻ**

(12.35-44)

Յիսուս տաճարին մէջ ուսուցանելու
ընթացքին հարցուց ժողովուրդին. «Օրէնքի
ուսուցիչները ինչպէ՞ս կրնան ըսել թէ Քրիստոս,
խոստացուած Փրկիչը, Դաւիթի սերունդէն է,
երբ Դաւիթ ինք Սուրբ Հոգիով ներշնչուած
կ'ըսէ:

“Տէրը ըսաւ իմ Տիրոջս.-


աջ կողմս նստէ,

մինչեւ թշնամիներդ ոտներուդ տակ դնեմ
որպէս պատուանդան”:

«Եթէ Դաւիթ զայն Տէր կը կոչէ, ինչպէ՞ս
ուրեմն Քրիստոս անոր որդին է»:

Ժողովուրդը հաճոյքով մտիկ կ'ընէր Յիսուսի,
որ իր ուսուցումները շարունակելով կ'ըսէր.
«Ձգո՛ւ ինչպէք օրէնքի ուսուցիչներէն որոնք
կը սիրեն փառաւոր զգեստներով շքեղ,
հրապարակներու վրայ մարդոցմէ յարգալիր
բարեւներ ընդունիլ, ժողովարաններու մէջ
առաջին աթոռները գրաւել եւ ընթրիքներու
ընթացքին՝ պատուոյ տեղերը: Մէկ կողմէ
այրիներուն տունները անոնց ձեռքէն կը
յափշտակեն, իսկ միւս կողմէ կեղծաւորութեամբ
իրենց աղօթքը կ'երկարեն: Ասոր համար աւելի
խիստ դատապարտութիւն պիտի ընդունին»:

Յիսուս կեցած էր տաճարի գանձանակին մօտ
եւ կը դիտէր ժողովուրդը, որ դրամ կը նետէր
գանձանակին մէջ: Շատ մը հարուստներ մեծ
գումարներ նետեցին: Աղքատ այրի մըն ալ
եկաւ եւ նետեց երկու լումայ, որ հինգ դահեկան
կ'ընէ: Յիսուս մօտը կանչեց իր աշակերտները
եւ ըսաւ անոնց. «Վստա՛հ գիտցէք, որ այս
թշուառ այրին բոլորէն շատ դրամ նետած եղաւ
գանձանակին մէջ, որովհետեւ միւսները իրենց
աւելորդ գումարներէն նետեցին, մինչ անկա,
հակառակ չքաւոր ըլլալուն, ինչ որ ունէր՝
նետեց, իր ամբողջ պարուստը»:



**ՈՂՈՐՄՈՒԹԵԱՆ ԿԱՆՉ ՄԸ
ԱՊՈԹԵԱՆ ԴԵԱՐԻՆ**

ՀԵՌԵԱԿ՝ ՀԷՆՐԻ ՆՈՒԸՆ

ԹԵՐԳԱՆՈՒԹԻՒՆ՝ ԿԱՐՕ ՄՐԿ. ՆՈՒՍՈՒՏԵԱՆՆԻ

ՈՂՈՐՄԷ՛ ԻՆԾԻ

Ով Տէր Յիսուս Քրիստոս, Կենդանի Աստուծոյ
Որդի, ողորմէ ինծի՝ մեղաւորիս: Հմայուած եմ իմ իսկ
հոգեւոր յոստումներովս: Հաւանաբար աւելի բան
գիտեմ աղօթքի, խոկումի եւ վերհայեցողութեան
մասին՝ քան քրիստոնէականը ընդհանրապէս: Բա-
զում գիրքեր կարդացած եմ քրիստոնէական կեանքի
մասին, նոյնիսկ քանի մը հաս ինքս՝ գրած: Դեռեւս,
հակառակ բոլոր այս ձեռքբերումներուս, աւելի
սագրուած եմ խորունկ վիհէն՝ բացուած յոստումներուս
ու կեանքիս միջեւ:

Այնպէս կը թուի թէ կեցած եմ խոշոր ձորի մը մէկ
եզրին, կը տեսնեմ ինչպէս պէտք է դէպի քեզ աճիլ,
ներկայութեանդ սայրիլ ու քեզի ծառայել, բայց չեմ
կրնար միւս կողմը հասնիլ՝ հոն ուր դուն կը գտնուիս:
Կրնամ խօսիլ ու գրել, քարոզել, բանավիճիլ իմ տե-
սած միւս կողմի կեանքի գեղեցկութեան ու բարու-
թեան մասին, բայց ինչպէ՞ս, ով Տէր, հոն կրնամ
հասնիլ: Երբեմն նոյնիսկ ցաւալի զգացումը ունիմ թէ
որքան յստակաւստեղութիւնս, այնքան գիտա-
կից կը դառնամ ձորին խորութեան:

Արդեօք վիհին թիւր կո՛ղմը մտնելու դատա-
պարտուած եմ: Արդեօ՞ք ինծի սահմանուած է
ուրիշները մղել խոստացուած երկիր հասնելու,
մինչ ինքս անկարող կը մնամ հոն մտնել: Երբեմն
բանտարկուած կը զգամ իմ իսկ մտադրացքներէս
ու «հոգեւոր ձեռնհասութեանէս»: Միայն դուն, Տէր,
կրնաս հասնիլ ու փրկել զիս: Միայն դուն:

Կրնամ լոկ փորձել հաւատարիմ ըլլալ, հակառակ
զգացումիս որ ընդհանրապէս հաւատարիմ եմ: Ուրիշ
ի՞նչ կրնամ ընել բացի քեզի աղօթելէ՝ նոյնիսկ երբ
մթազնած կը զգամ, շարունակելէ քու մասիդ գրել՝
նոյնիսկ երբ անզգայ եմ, շարունակելէ անունովդ
խօսիլ՝ նոյնիսկ երբ առանձին կը զգամ: Եկուր, Տէր
Յիսուս, եկուր: Ողորմէ ինծի՝ մեղաւորիս: Ամէն:

(Շարունակելի 15)